



Severus discipulus fuit S. Lupi Trecaffenorum Santistitis, cuius institutione omnis generis disciplinas, liberales artes, & sacras literas egregie didicit. Accedebat & morum gravitas & vitæ innocentia. Itaque factum ut anno Christi trecentesimo & octuagesimo, cum Valentinianus tertius Romanorum Imperium gubernaret, Episcopus Trevirensis electus fuit. Is ergo ut officio suo probe fungeretur, eo in loco Euangelium Christi prædicavit, Hæreticos confutavit, & iuventutem in disciplinis instituit. suo etiam exemplo sacerdotes & politicos homines ad virtutes excitavit, itaque factum ut magnam undique existimationem nâcisceretur. Eius

tempore etiam S. Hieronymus Treviris bonis studiis incubuit, atque hunc Severum plurimum amavit. Cum hoc modo diu optime præfuisset, moriens in sua Ecclesia sepultus fuit. Beda. B. Rheanus li. 1. rerum Germanicarum,